



Siumut sinnerlugu Inatsisartunut ilaasortaq  
Aleqa Hammond  
-/maani

**Pineqartooq: § 36.1 2010-257 iviangiusanut tunngasoq**

Inatsisartunut ilaasortaq, Aleqa Hammond, Siumut, apeqqutaanut qujaffigaara:

**Kræfteqarlutik napparsimasut iviangeertissimasut kingornalu iviangiusalerneqar-simanerminnut atatillugu sooq iviangiusassap mulitaa ilanngullugu akilerneqarani napparsimasumut akiligassanngortinneqartarpa?**

Apeqqummut tunuliaqutaasut:

- Arnat kræfteqarlutik napparsimasut ilaat iviangeersissimasut kingorna iviangiusalerneqartarput.
- Arnaq peqqinnissaqarfimmit ilisimatinneqarsimasorooq iviangiusalersinnera akilerneqartussa, kisiannili muliusalersinnermut taassumalu kakiorneqarneranut aningaasartuutit akilerumaneqanngitsut, namminerlu taakku aningaasartuutigisariaqarai.

Peqqissutsimut Naalakkersuisoqarfiup matumuuna ajuusaarutigaa Aleqa Hammond isumaqalersimammatt iviangiusalersinnerup kingorna muliusap kakiorneqarnera peqqinnissaqarfiup akilerneq ajoraa. Tamanna soorunami ilumuunngilaq.

Iviangiusalersinneq tamaat, taamaattumillu aamma muliusaq, tamatumalu kingorna taassuma kakiorneqarnera, peqqinnissaqarfiup akilertarpei.

Tamakkiisumilli suliarinnissimannginneq immikkut ittunik pissuteqarsimasinnaavoq. Taamaattumik suliaritissimasut apeqqutissallit imaluunniit iviangiusalerneqarnerminnut atatillugu naammassillugu suliarineqarsimanngitsutut isumaqartut peqqinnissaqarfimmut saaffigineqqullugit kaammattorusuppakka.

Inussiarnersumik inuulluaqqusillunga

Agathe Fontain

1. december 2010  
Sagsnr. 2010-042100  
Dok. Nr. 517073

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@gh.gl  
www.nanoq.gl



23. nov. 10

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Kræfteqarlutik napparsimasut iviangeertissimasut kingornalu iviangiusalersinneqarnerminnut atatillugu sooq iviangiusassap mulitaa ilanngullugu akilerneqarani napparsimasumut akiligassanngortinneqartarpa?**

(Inatsisartuni Ilaasortaq, Aleqa Hammond, Siumut)

**Tungavilersuut:**

Kræfteqarlutik napparsimasut kingornalu iviangeersissimanerup kingorna iviangiusalersikkumasooqartarpoq, tamannalu arnaassutsimut pingaaruteqarpoq sapinngisamillu allatuulli timikkut atugaqarnissaq pingaartinneqarluni. Iviangiusalersinneqartussa q ilisimatinneqarsimavoq iviangiusassaq napparsimaveqarfiup akilissagaa kisiannili mulitassaa aammalu kakiortinnera iviangiusalersittup namminee rluni akilissagaa.

Paaserusuppara suna tungavilersuutigineqarnersoq ivingilersittussamut mulitaanut nammineq akiligassanngortitsinermut, ilami soorunami iviangik tassaamat mulitalik ilaannakortumillu peqartoqarsinnaanngitsoq.

Erseqqissaassutigissuara apeqqutikka ullut suliffiusut qulit qaangiutsinnagit akereerneqartussaammata.

Ikinngutinnersumik inuulluaqqusillunga

Aleqa Hammond

Siumut